



UNIVERSITÄTS-
BIBLIOTHEK
PADERBORN

Universitätsbibliothek Paderborn

Apotheca Spiritvalivm Pharmacorvm Contra Lvem Contagiosam Aliosqve Morbos

Wichmans, Augustin

Antverpiae, 1626

Cap. X. Recte particulares aliquos sanctos prae reliquis contra pestem
inuocari.

urn:nbn:de:hbz:466:1-9653

*Quod quisq; supplex postulat
Fert impetratum prosperè,
Et tristis haut ullus redit;
Nam præsto semper aduolant
Suosq; alumnos supplices
Lactante complexi sinu.
Paterno amore nutriunt.*

Sed vela colligo & nauim reduco ex hoc mari magno,
ne vastitate & profundâ eius abyfso demergar.

C A P. X.

*Rectè particulares aliquos Sanctos præ reliquis
contra pestem inuocari.*

ANtiqui gentiles omnia Christianorum miracu-
losa opera magiæ ac maleficio adscribebant, eos-
que tamquam veros magos ac maleficos calum-
niabantur, & puniebant. Non meliori hodie in nos af-
fectu sunt quoad Sanctorū inuocationem huius tēporis
sectarij; antiquâ enim querimoniâ Iuliani apostatæ, Ma-
nichæorū ac Vigilantij (Dormitantij dixisse debuerā) re-
nouantes ceu malè olentē & bis ac sepius repetentes diu
coctam & decoctâ cramben, superstitionis & ethnicismi
nō verentur nos insimulare quòd vnū potius quàm alium
Sanctorum contra pestem, vt S. Rochum, contra oculo-
rum & dolorem aurium S. Quirinum, contra dolorem
dentium S. Apolloniam, & sic de ceteris, inuocemus, cum
Deus vnus æquè sit auctor omnium donorum & is æquè
possit per intercessionem vnus ac per alterius quilibet
concedere. Ita enim *Calvinus lib. institut. 4. ca. 21.* causas re-
censens cur à nobis discessionem cum suis fecerit, illā in
primis ponit quòd nullam nobiscū communionē habere

K

pos-

possint in qua aperta idololatria polluantur: quam autem apud nos idololatriã vigere dicat, ex inst. ca. 20. l. 3. potest intelligi, vbi de Sanctorum inuocatione loquens: Singuli inquit peculiare sibi Diuos asciuerunt in quorum non-secus atque Tutelariũ Deorum fidẽ se contulerunt: neq; modò (quod olim Israel exprobrabat Propheta) secũdum numerum vrbium Dij sunt erecti, sed secũdum capitum multitudinem. item l. 3. inst. c. 20. Vnde ergò vermibus tanta licentia vt Deo patronos obtrudant quibus munus iniunctum non legitur? Fate mur quidem libenter, Deum si voluerit per quemlibet Sanctorum omnia nobis posse cõcedere, imò etiam sine illis vt in simili dicunt Philosophi. Quidquid potest causa prima cum secũda, potest se sola: sed nouimus etiam Apostolum Paulum coelestem illum iurisperitum dixisse ex ore ipsius Dei: *Diuisiones gratiarum*

3. Cor. 12. varie sunt, idem autem Spiritus: & diuisiones ministratiõũ sunt, idem autem Dominus: & diuisiones operationum sunt, idem verò Deus qui operatur omnia in omnibus. Alij enim datur gratia san- raturum in vno Spiritu, alij operatio virtutum, alij prophetia, alij di- scretio Spirituum, quæ omnia operatur vnus atque idem Spiritus diuidens singulis prout vult. Numquid omnes Apostoli? numquid omnes Prophetae? numquid omnes virtutes? numquid omnia gratiã habent curationum? ipse quibusdam hanc dedit, quibusdam verò negauit. Neq; enim in omnibus memoriis Sanctorũ Deus miracula fieri voluit qui diuidit vniciq; prout vult, Epist. 137 inquit Augustinus: & qui huic Sancto contra hoc malũ, contra hunc morbum gratiam curationis cõmunicauit, contra aliud eidem non communicauit, sed alteri sæpè etiam in gloria meritorum inferiori indulsit. Quis autem nouit consilium Domini, aut quis ei dicere potest; Cur ita facis? non indidit quibusuis herbis quasuis virtutes curati- uas, neque quasuis quibusuis locis crescere fecit; nam

— non omnis fert omnia tellus.

Hic

*Hic segetes, illic veniunt felicius vna,
Arbori fetus alibi.*

Virg. 2.
Georg.

*Diuerſa arboribus patria: ſola India nigrum
Fert ebum, ſolis eſt thurea virga Sabeis.*

Variaſ ſunt in firmamento coeli ſtellæ, varios etiam habentes effectus & influxus multum diuerſos vt quotidie in hiſce inferioribus experimur. Quædã enim refrigerat, quædam calefaciunt: alia exſiccant, alię humectant. Homines itidem diuerſis pallent ſcientijs: alius excellit in Theologia, alius in Philoſophia, alius in Matheſi. Dona hæc ſunt omnia Dei, in ſubſidium proximorum noſtrorum ab illo conceſſa. Habent & quidam hæc in terris gratiam curandi certum morbum ſibi peculiarem, vt de Regibus Francia & Angliæ in confeſſo eſt, & infra docebimus: item ſeptimus quiſuis ex ordine filius, qui omnes ſtrumofos curant ſeu morbo regio laborantes. In Hiſpania etiã certi quidam reperiuntur qui *Los Saluadores* vocantur, gratia curationũ in ſanandis infirmis mirè pollentes, qua alij fortè longè ſanctiores carent. Cur ita fecit, ac tam diuerſimodè diuerſis munera ſua diſtribuit? Non quia aliter non potuit, ſed quia aliter non voluit. *O homo tu quis eſ qui* Rom. 9.
reſpondeas Deo, aut eum iudices vel condemnes? certè reſpondere Deo non poſſe conuincitur qui homo nominatur. qui per hoc quod de humo ſumptus eſt, iudicia ſuperna diſcutere dignus non eſt. noli iudicare ſi non vis errare. Sed captiuans intellectum in obſequium Creatoris omnium, dic humiliter cum Apoſtolo Paulo: *O altitudo diuitiarũ ſapientiæ & ſcientiæ Dei! quàm incõprehenſibilia ſunt iudicia eius & inueſtigabiles vię eius! quis enim* Rom. 11.
cognouit ſenſum Domini? aut quis conſiliarius eius
fuit? Iudicia eius occulta ſæpè; iniuſta numquam.

Ioan. 3.
Num. 17.
3021.

in probatica piscina, non alibi ita ægros & aridos sanauit. per virgam Aaronis non alterius miracula fecit, sicuti & ad imaginem ænei serpentis non alterius rei Iudæos ab ignita lue liberauit. Abana & Pharphar fluuij Damasci non peiores erant Iordane Israelitico; & tamen per hunc non per illos Naamanum Syrum à lepra sua curare voluit Deus. Ubique quidem, inquit Augustinus ad Clerum & populum Hyponensem, est Deus, & nullo continetur vel includitur loco qui condidit omnia: verum tamen quis potest eius consilium perscrutari quare in alijs locis hæc miracula fiant, in alijs non fiant? multis enim notissima est sanctitas loci vbi B. Felicis Nolensis Episcopi corpus conditum est, quò volui vt pergerent duo Clerici quia inde nobis facilius fideliusque scribi potest quidquid in eorum aliquo diuinitus fuerit propalatum. Numquid non & Africa Sanctorum Martyrum corporibus plena est, & tamen nusquam hic scimus talia fieri. Sicut enim dicit Apostolus; Non omnes Sancti habent dona curationum, ita nec in omnibus memorijs Sanctorum ista fieri voluit ille qui diuidit propria vnicique sicut vult. Hæc eleganter S. August. Quid ergo mirum aut nouum, Deum hoc loco, hoc templo, ad hanc vel illam Deiparæ aut alterius Sancti statuum miracula operari, non autem, alio loco, templo, statua aut imagine? rursus huic Sancto hanc gratiam, alteri aliam concedere? verbi gratiâ, vt S. Antonium peste, S. Valentinum morbo comitali, S. Susannam infamia & ignominia, S. Barbaram morte subitanea ne sine confessione moriamur, B. nostrum Siardum difficili partu laborantes, liberare. Plurimi Sanctorum in mortis articulo, vt nominatim de S. Rocho, de S. Apollonia habent eorundem vitæ, humiliter à Deo petierunt vt quicumque illos pro liberatione huius aut illius mali seu morbi, inuocarent, dignaretur eosdem exaudire & postulata

con-

concedere. Annuit petitioni eorum benignus Deus, & experti non semel sunt fideles hos illōsve Sanctos hisce illisve malis auertendis sēpissimē præstō fuisse. damnādi ne ergo sunt si in istis malis constituti pro illorum liberatione eos inuocent? non magis quā pauperes aut mendici qui videntes diuitem patrem familias hunc filium aut famulum suum erogando pani, illum vestibus, tertium nūmis distribuendis præfecisse (esto vnus idemque ipse ad omnia solus esset quā sufficiens) nunc pro pane ad primum, nunc pro vestibus ad secundum, nunc verò pro nūmis ad tertium accederent. Neq; caret è Scripturis fundamento petito diuersimoda hæc diuersorum Sanctorū inuocatio: securitatem rei benè factæ præbuit nobis vas electionis S. Paulus Apostolus arcana in coelo edoctus & cœlestia huc inde deferens, qui in persona Sancti Sāctorum de omnibus ita loquitur: *In eo enim in quo passus est ipse* Hebr. 2. & *tentatus, potens est & eis qui tentantur auxiliari.* quasi dicat: O Hebræi bono estote animo in angustijs vestris, habetis ecce fidelem consolatorem Christum Iesum, qui ideo quia passus est, vexatus & afflictus, in eo quod passus est, aptus & idoneus, promptus & paratus est ad vobis auxiliandum. Pari prorsus modo & Sancti in cœlo beati qui in hac vita multa passi sunt, hanc passioni & patiētiae suæ congruam à Deo acceperunt mercedem, vt ad eorū preces Deus simili passione laborātibus opitulari & succurrere, itaque Sanctos suos glorificare destinavit. ita à SS. Virginibus quæ pro castitate ad mortem vsque decertarunt, rectè petimus opem in tentatione libidinis: à Martyribus robur & constantiā in tentationibus fidei & persecutionibus tum hæreticorum tum infidelium: à S. Iob, Eustachio eisq; similibus, in infortunijs & aduersis petimus patientiam, in peste etiam patrociniū eorū qui ex eadem sancto sine mortui sunt; in eo enim in quo passi sunt

Basi. orat.
de in 4.
Martyr.

sunt & tentati, potentes sunt eis qui tentantur auxiliari. Illud nihilominus nos monet V. M. Card. Bellar. quòd etsi quidam Sancti aliquo genere miraculorum interdum magis clarent quàm alij, tamen ab omnibus omnia peti posse; neque putandum, ita ab vno vnum esse petendum, vt non etiam existimemus alterius intercessione obtineri posse. Ergo qui aliqua premitur angustia ad Sanctos confugiat. qui rursus lætatur, hos oret? ille vt à malis liberetur: hic vt duret in rebus lætis.

C A P. XI.

De Sanctis qui contra pestem tamquam speciales Patroni inuocandi sunt.

Serm. de
aquæ-
duct.

AGmen horum omniū ducet (nam principem locum iure suo postulat & meretur) Sāctorum omnium princeps & regina, sanctissima Virgo-mater Maria, cunctorum morborum malorumque potentissima auerruncatrix, salus infirmorū, refugium peccatorum, cōsolatrix afflictorum, auxilium Christianorum. quidquid enim gratiarum & beneficiorū cōmunicatum est reliquis omnibus, in hanc vnā diuitissima manu & multiplicato fœnore tanquam vberimum Amaltheæ cornu, & parens eius & idem eiusdem filius omnium auctor & distributor Deus coniecit. nam vt piè & verè sentit mellifluus eius amasus S. Bernardus: Nihil nos Deus habere voluit quod per Mariæ manus non transfret. Ideò vocatur, inquit, regina misericordiæ, quòd diuinæ pietatis abyssum cui vult, & quādo vult, & quomodo vult (& pro omnibus suis cliētibus semper vult) credatur aperire. & S. Bernardus Senensis: Non timeo dicere quòd in omnium gratiarum effluxus quandam iurisdictionem habeat hæc Virgo de cuius vtero quasi de quodam diuinitatis oceano riui & flu-